



Broj: 26/09
Sarajevo, 04.06.2009 god.

Zaključci Centralnog odbora Sindikata Univerziteta u Sarajevu o organiziranju Štrajka upozorenja za dan 10.06.2009 god.

Na sastanku Centralnog odbora Sindikata Univerziteta u Sarajevu održanom 03.06.2009. godine razmatrana su brojna pitanja u vezi sa neriješenim pitanjima i problemima uposlenih na Univerzitetu te štrajkom najavljenim za 10.06.2009. godine. Tako su razmatrane i aktivnosti resornog ministarstva i Vlade Kantona Sarajevo u ispunjavanju zahtjeva koje je Sindikat UnSa postavio pred nadležne institucije. Članovi Centralnog odbora su izrazili svoje zadovoljstvo da je riješen jedan od zahtjeva Sindikata, a koji se odnosi na reguliranje radno-pravnog statusa asistenata i viših asistenata.

Međutim, članovi Centralnog odbora su osudili inertnost Ministarstva obrazovanja i nauke KS i Vlade KS u pogledu aktivnosti po pitanju potpisivanja Kolektivnog ugovora, s obzirom da bi se potpisivanjem tog ugovora riješila i prva tri zahtjeva Sindikata:

1. Plaće zaposlenih na Univerzitetu u Sarajevu budu jednaka plaćama zaposlenih u službama Kantona Sarajevo i institucijama koje se finansiraju iz budžetskih sredstava za istu složenost i odgovornost poslova.

To podrazumijeva da gornji limit je plaća redovnog profesora i ona treba da bude jednaka plaći ministra u Vladi Kantona Sarajevo sa svim standardnim dodacima, pa dalje naniže.

2. Topli obrok, naknada za prevoz, regres, otpremnine, naknade za teže bolesti ili za smrtni slučaj i ostala prava, zaposleni na Univerzitetu u Sarajevu treba da koriste iz budžetskih sredstava na isti način kao i zaposleni u službama Kantona Sarajevo i ostali korisnici budžetskih sredstava.
3. Odmah pristupiti potpisivanju Kolektivnog ugovora sa Sindikatom Univerziteta u Sarajevu (prije više od 700 dana su definirana osnove Kolektivnog ugovora sa Ministarstvom obrazovanja i nauke).

Stoga je usvojen jednoglasan zaključak da se od aktivnosti na potpisivanju kolektivnog ugovora neće odustati i da će Sindikat nastaviti da insistira na ispunjavanju zahtjeva, i u ostvarivanju tog cilja upotrijebiti će se sva zakonom dozvoljena sredstva.

Istovremeno, Centralni odbor je razmatrao i eventualne posljedice koje generalni štrajk, najavljen za 10. juni 2009. godine, može imati u pogledu studenata, a naročito onih koji ne žive u Sarajevu, posebno u ovim teškim ekonomskim uslovima u kojima se nalazi većina studenata i njihovih porodica.

Stoga je Centralni odbor, prvenstveno u namjeri da studenti što manje osjete posljedice štrajka, kao jedinog preostalog načina borbe za prava zaposlenih na Univerzitetu u Sarajevu, a da istovremeno pruži mogućnost Vladi i Ministarstvu da pristupe aktivnostima koje će rezultirati potpisivanjem kolektivnog ugovora donio sljedeću odluku

1. Na svim fakultetima i akademijama članicama Sindikata Univerziteta u Sarajevu 10. juna 2009. godine organizirati će se jednodnevni štrajk upozorenja.

2. Generalni štrajk se pomjera za 01.10.2009. godine, ukoliko ne dođe do ispunjavanja zahtjeva sindikata do roka koji je usaglašen na sastanku predstavnika Sindikata sa premijerom Besimom Mehmedićem i ministrom mr. Safetom Kešom.

Predsjednik Sindikata Univerziteta u Sarajevu

Prof. dr. Berko Zečević